



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XIX. Vt seruos hominum Apostolus Christianos fieri noluerit.

[urn:nbn:de:hbz:466:1-46059](#)

CAPUT XIX.

*Ut seruos hominum Apostolus Christianos
fieri noluerit.*

Q VEM A D M O D U M autem eos qui præsunt, do-
minari Christus non patitur: sic qui subsunt, hos
negat Christi Apostolus hominibus fieri debere. *1. Cor. 7.*
Ideo cùm ad capessendam (ait Chrysostomus) veram
libertatem nos beatus Apostolus hortaretur; Crucis
Homil. 58. in
memoriam refricens, Pretio, inquit, empti estis, nolite
Matth.
fieri servi hominū. Atque hoc is dicit, qui tantū abest
ut vellet seruos iugum seruitutis excutere, neque suo-
rum dominorum imperia perpeti: ut antea posuerit,
Seruus vocatus es? non sit tibi curē: sed et si potes fieri
liber, magis vtere. Qui enim in Domino vocatus est
seruus, liberus est Domini. Quæ res cogit inuestiga-
te, quid sit seruos fieri hominum, ne secum Apostolus
vicinis adeò locis pugnare videatur. Et non mediocre
quidem ad eam rem afferunt adiumentum aliæ quæ-
dam sermonis Apostolici sententiae: velut cùm Ephe- *Eph. 6.*
siis scribit: Serui, obedite dominis carnalibus cum ti-
more & tremore in simplicitate cordis vestri, sicut
Christo: non ad oculum seruientes, quasi hominibus
placentes; sed ut serui Christi, facientes voluntatem
Dei ex animo: cum bona voluntate seruientes, sicut
Domino, & non hominibus: scientes quoniam unus-
quisque quod fecerit bonum, hoc recipiet à Domino,
sive seruus sive liber. Persimilia sunt quæ scribit *Col. 3.*
lossensibus: Serui obedite per omnia dominis carna-
libus; non ad oculum seruientes, quasi hominibus pla-
cétes, sed in simplicitate cordis timétes Deum: quod-
cumq; facitis, ex animo operamini, sicut Domino, &
non hominibus: scientes quod à Domino accipietis
retributionem hæreditatis: Domino Christo seruite.
Quoniam igitur non corruptilibus auro vel argento,

ut Petrus inquit, redempti sumus de vana conuersatione nostra paternæ traditionis, sed pretioso sanguine quasi Agni immaculati Christi & incontaminati ideo nos totos Christus iure suo sibi depositit, ei que in omnibus seruiamus, exigit. quod qui faciunt, supermique Domini sui, à quo empti sunt, assidue nostrum obseruant; et si hominibus seruire videātur, Christo tamen reuera seruiunt: atque ob id liberi sunt, conditione licet seruili ex huius vitæ sorte premantur. Nigritur quia Christianus factus es, inquit Augustinus, dederis seruire. Cùm enim Christo iubente serui homini, non ei seruis, sed illi qui iussit. Sic ille in Psalmo 124. Proinde si quid à terreno domino præcipitur, quod illius cælestis ac primarij Domini voluntatis aduersum, id serui tales exequi nefas ducunt: si quod imperatur eiusmodi est, ut fieri citra offensionem superioris Domini possit, hoc tanquam ab ipso supremo Domino imperatum accipiunt. Quo fit ut neque id segniter neque grauatim, sed promptè libenterque effectum reddant: ut se in corde, inquit Augustinus in Psal. 70. faciant liberos libenter seruiendo: neque verò in præsentia domini terreni, illoque dum taxat inspectante, sed siue absens ille siue præsens adsit, semper officium sibi faciendum putant: non ignari Dominum habere se in cælo, cuius animaduersionem & conspectum nulli effugere queant. Itaque ut sua quisque exercenda conditione mercedem meretur ab hominē, cùm hac illi seruierit: ita suis obsequiis studioque parēdi seruus Christianus mercedem à Christo meretur, cui propriè se exhibuerit seruum. Qui vero ad hominis ratiūmodo, non Dei respicit voluntatem; atque ad carnalis domini ita se nutum accommodat, ut superiorem le Dominum, cui potissimum seruendum sit, habere non cogitet: is propriè hominum seruus existimandus est; homini enim soli seruit,

non Deo. Ex quo vitiosè facta multa nascuntur. Primum quod ad oculū seruiat: si speret fore clā, ruisum ad ingenijū redit. Eum enim timor humanus bonum facit, non diuturni (vt ille ait) magister officij. Deinde *Cicero Philip-*
I.ca 2.
 quodgrauatim animoq. reluetate faciet multa, laboris mercedē nullam exspectans. Postremò qualemque Domini imperium suscipiet atque exequetur, et si id erit in honestum, dininæque voluntati contrarium. Neque id mirum, cùm hoc vnicè propositum habeat, humanæ vt voluntati & cupiditati obsecundet: quod cùm in nemine ferendum sit, tum est turpissimum Christiano: qui, quod à Christo redemptus sit, illi debet cunctis vitæ officiis seruitutem. Ideoque milites Christiani, inquit Augustinus, infideli Imperatori servientes, vbi veniebatur ad causam Christi, non agnoscabant nisi illum qui in cælis erat. Quando autem dicebat, Producite aciem, ite contra illam gētem: statim obtemperabant. distinguebant Dominum æternum à domino temporali, & tamē subditi erant propter Dominum æternum etiam domino temporali. Hæc in Psalm. 124. Sic igitur vitiosum est seruire hominibus, *Gal. 1.* vii apud eudem Apostolum, placere hominibus, cùm ait, Galatis scribens: Si hominibus placerem, Christi seruus non essem. Quod ipsum reprehensum damnatumque esse à Propheta, ille in Psalmis versus declarat: Dominus dissipabit ossa eorum qui hominibus placent, quomodo illi affecti sunt, qui hoc sibi tanquam primum proponunt, vt placeant hominibus, à quibus collaudari, atque in eoruū opinione & ore cum incunda recordatione versari, mercedeis loco ducunt. Quos homines, vt gestire laudibus, ita frangi necesse est, nimiumque deiici, cùm in aliquas reprehensiones humanas, sua vel facta vel dicta incurrere senserint. Melius verò & æquabilius se res humanæ & Ecclesiasticae & ciuiles haberent, si neque dominarentur qui *Consulatur*
August. epist.
64. ad Aure.
Episcopum.
 præsunt,

præsunt, neque qui subsunt, præfectorum voluntatis
bus nimio placendi conatu seruirent. Quorum quod
est posterius, magnos saepe viros adulacionis peste cor-
rupit: alterum verò, quas non saepe turbas in tempu-
blicam dedit? quos non ciuiles motus excitauit? quam
multas peperit secessiones? quando præfectorum opini-
mè institutos ordines, non fœdè maculanit? perdiit
quidem hominibus subministrata materia est, non so-
lùm paucorum nominibus vera dicendo detrahendi,
verum etiam bonos omnes, qui eodem ordine præsint,
criminandi falsa fingendo. Hoc enim, ait Cyprianus,
Lib. 4. Epist. Ho-
lar. Epist. 2. &
Aug. epist. 137

diaboli semper opus est: ut seruos Dei mendacio lace-
ret, & opinionibus falsis gloriosum nomen infamet: ut
qui conscientiæ suæ luce clarescant, alienis rumoribus
sordidentur. Sed ut veris in criminibus præpositi de-
prehendantur, & iam eos sine mendacio queant illi
traducere, mouere nos nihil debent, quibus non est in
sacris literis ea demonstrata Ecclesia, quæ malos præ-
positos non haberet: cùm in ea Dominus noster signi-
ficauerit, posse esse eum familiæ suæ Præfectum, qui
percutiat conseruos, māducet que ac bibat cum ebrio-
sis; cuius propterea portio cùm hypocritis futura sit in
tormentis: & is nihilominus quamuis perditè vivat,
dignitatē retineat, ob quam illi sit in eis quæ legitimè
præceperit, obtēperandū, sicuti hoc clarè docet Chry-
sostomus Homilia 33. in Epistolā ad Hebræos. Et ha-
cenus quidem probatum sit, non aduersari libertati
Christianæ præstandam legibus humanis obedientiam,
quin potius ad id esse populis subiectis conducibilem,
ut vera libertate fruantur. Nec enim ideo vitiosæ aut
vanæ, quia humanæ dicuntur: falsumq; omnino quod
nonnulli prætendunt, in diuinis libris ubique damnari,
quod esse dicatur humanum: cùm beatus Aposto-
lus humanum dicat, quod tamen saluberrimè horta-
batur illis verbis: Sicut exhibuisti membra vestra ser-

Rom. 6.

uit

vite immunditiae & iniq[ue]itati ad iniq[ue]itatem, ita nūc exhibete membra vestra seruire iustitiae in sanctificationem. Laudabile proinde est frequēter quod appellatur humanum: siue quia sit ad infirmitatem humana[m] sapienter attemperatum, siue quia sit tributa homini à Deo potestate atque prudentia utiliter, & prouidè circa humanas res constitutum. Sed interdum tamen & doctrinæ & mandata hominum vituperantur, quæ videlicet ita sunt hominum, vt ad Deum referri non possint auctorem. Denique vt diui Ambrosij Epist. 7. verbis concludam, Quām indignum vt populi integri obedient humanis legibus, quo sint libertatis participes; sapientes autem veram legem naturæ, expressam ad imaginem Dei, veramque rationem signiferam libertatis negligant & derelinquant! cùm in ea tanta libertas sit, vt paruuli seruite vitiis nesciamus, alieni ab ira, exfortes auaritiae, ignari libidinis. Quām miserum igitur, vt qui nascimur in libertate, moriamur in seruitute!

DE